

CATALINA DE OSCÁRIZ ARTE ETA LANBIDEETAKO UDAL-ESKOLAKO IKASTAROETAKO MATRIKULAREN PREZIO PUBLIKOAK ERREGULATZEN DITUEN ARAUA

7. araua

Oinarria

1. artikulua.- Ordainarazpen hau ezartzen da Nafarroako Toki Ogasunei buruzko 2/1995 Foru Legearen lehen tituluko III. kapituluko 2. ataleko 2. azpiatalean xedatutakoari jarraikiz eta haren 28. artikuluan jasotako baimenaren babesean.

Sortzapena

2. artikulua.-Ordaintzeko betebeharra ikastaroetan izena ematen denean sortzen da, eta izen-ematea egiten dutenek ordaindu beharko dute.

Kudeaketarako eta diru-bilketarako arauak

3. artikulua.- Zenbatekoa Udalak berak ikastaroa bertan behera uzten badu baino ez da itzuliko, edo ikaspostuari urriaren 31 baino lehen uko egiten bazaio, ikastaro monografikoen kasuan, eta hiruhileko lantegi bakoitza hasi eta bi aste igaro baino lehen. Eskola-postuari uko eginez gero, ikasleei ez zaie itzuliko administrazio- eta kudeaketa-gastuak direla-eta urte bakoitzean ezartzen den zenbatekoa.

Tarifen aplikazioa

4. artikulua.- Aplikatu beharreko tarifak Arau honen eranskinean daude jasota, eta barne hartuko dute, behar izanez gero, Balio Erantsiaren gaineko Zergaren kuota.

5. artikulua.- Arau honen Tarifa-eranskinaren II. epigrafean jasotako murriztapenak honako arau hauen arabera aplikatuko dira:

Murriztapenei heldu nahi dieten eskatzaileek agerrarazi beharko dute baldintzak betetzen dituztela ezarritako epean, hori egiaztatzeko agiriak nahitaez aurkeztuta, artikuluko honetan adierazitakoarekin bat. Alor kudeatzaileak ezarritako kasuetan non posible baita ofizioz egiaztatzea, eskatzaileak betekizuna egiaztatzeko aurkeztu behar duen agiriaren ordean egiaztapen horretarako behar den baimena aurkeztuko du.

Egiaztatzeko agiriak:

- a) Murriztapena familia ugaria izateagatik jasotzeko, familia ugariko titulua, betiere familia ugariei buruzko martxoaren 25eko 20/2003 Foru Legean –zeina maiatzaren 18ko 6/2005 Foru Legeak aldatu baitzuen– ezarritako definizioarekin bat. Murriztapena familia gurasobakarrei aplikatzeko, Nafarroako Foru Komunitatean familia gurasobakarrak egiaztatzeari buruzko otsailaren 7ko 5/2019 Foru Legeak ezarritako definizio eta arautzearekin bat, familia gurasobakarreko titulua.
 - b) Murriztapena familia-unitatearen diru-sarrerak direla medio jasotzeko, familia-unitateko kideek urtean jasotako diru-sarrera gordinen aitorten justifikatua eta PFEZa egiteko betebeharra duten kideen zerga horren gaineko aitortpena edo likidazioa, eskaera noiz egin eta jada data horretan aurkezteko epea amaiturik duen ekitaldiari dagokiona. Betebeharrak ez badago PFEZaren gaineko aitortpenik egiteko, datu fiskaletan jasotako diru-sarrera gordin eguneratuak hartuko dira kontuan.
 - c) Murriztapena desgaitasuna dela medio jasotzeko, agiri ofizial bat, non jasoko baita eskatzaileak % 33ko desgaitasuna edo handiagoa duela, edo ezintasun iraunkorra zein baliaezintasuna direla bide administrazio publikoaren diru-prestazioak jasotzearen gaineko egiaztagiria.
 - d) Murriztapena terrorismo-ekintzen biktima izateagatik jasotzeko, biktima-izaera aitortzen duen administrazio-ebazpena edo epaia, eta biktima batekin ahaidetasun-harremanik izanez gero, hori egiaztatzen duen agiria.
 - e) Murriztapena genero-indarkeriaren biktima izateagatik jasotzeko, hori aitortzen duen epaia, eta biktima batekin ahaidetasun-harremanik izanez gero, hori egiaztatzen duen agiria.
 - f) Murriztapena familiek beren baitan beste pertsona batzuk hartzeagatik jasotzeko, familia-harrera formalizatzen duen agiria edo hura erabaki duen administrazio-ebazpena edo epaia.
- 3) Zehaztapenak, familia-unitatearen diru-sarrerak direla medio jasotzekoak diren murriztapenentarako:
- a) Familia-unitatea: Prezio publikoa kalkulatzeko, PFEZaren gaineko indarra duten arauetan xedatutako familia-unitatea hartuko da aintzat.
 - b) Errenta: PFEZaren gaineko aitortpena edo likidazioa egiteko betebeharra duten familia-unitateko kideen azken aitortpena edo likidazioa –eskaera noiz egin eta data horretan jada aurkezteko epea amaiturik duen ekitaldiari dagokiona– hartu, eta haren zerga-oinarriaren parte orokorra eta aurrezkiaren likidazio-oinarri berezia batuko dira, eta emaitzari salbuetsitako prestazioen edo errenten zenbatekoa gehituko zaio. Ez dira salbuetsitako prestazio edo errentatzat hartuko Pertsonen Autonomiarako eta Garapenerako Nafarroako Agentziak (PAGNA) mendekotasuna duten pertsonak familia-ingurunean zaintzeko emandako laguntzak, baldin eta zaintza horiek familiakoek edo profesionalak ematen badituzte. Baldin eta errentaren ondoriozko murriztapen bat adingabeei bakarrik aplikatu nahi bazaie, eta haien gurasoek aitorten bereziak egiten badituzte, bi aitortpenak aurkeztu beharko dira.
 - c) Errenta garbia: errenta garbia kalkulatzeko, aurreko apartatuan zehaztutako errentaren eta gastu kengarrien diferentzia hartuko da kontuan.
 - d) Gastu kengarriak. Errentari dagokion ekitaldian ordaindutako zenbatekoak, jarraian adierazitako kontzeptuengatik:
 1. Ohiko etxebizitzako gastuak (muga: 4.800 € urteko), honako kontzeptu hauek batuta:
 - Ohiko etxebizitzaren, apartamentu babestu publiko baten edo antzeko beste zerbaiten alokairua.
 - Ohiko etxebizitza erosteko maileguaren amortizazioa.

- Ohiko etxebizitza egokitzeko edo birgaitzeko lanek sortutako gastuak, pertsonen behar soziosanitarioengatik edo eraikinak jasangarriago bilakatzeko beharengatik.

2. Langileak kontratatzeako gastuak gizarte- eta osasun-egoera dela medio halakorik behar duten pertsonak beren etxeetan jarraitu dezaten arreta pertsonala jasotzen, betiere hori guztia frogatzeko modukoa izanda, dela mendekotasuna aitortzeko ebazpen baten bidez, dela Udaleko gizarte-zerbitzuek egindako txosten baten bidez (muga: 8.400 € urteko). Gastu kengarria ezartzeko, hala badagokio, Pertsonen Autonomiarako eta Garapenerako Nafarroako Agentziak (PAGNA) mendekotasuna duten pertsonak familia-ingurunean zaintzeko kobratutako laguntzak kenduko dira. Kenkari horri heltzeko, kontratatutako pertsonaren kontratua eta Gizarte Segurantzako alta aurkeztu beharko dira.

3. Eguneko zentroetako egonaldi-gastuak (muga: 4.800 € urteko) edo egoitza geriatrikoetako egonaldi-gastuak (muga: 12.000 € urteko).

4. Pentsio konpentsatzaileak: epai judizialean jasotakoak. (Bakarrik aplikatzen ahal da PFEZaren aitortpenaren zerga-oinarririk errenta kalkulatzeko ez den kasuetan).

6. artikulua.- Murriztapen bat baino gehiago jasotzeko eskubiderik edukiz gero, ezin izanen dira metatu II. epigrafean ezarritako murriztapenak. Salbuespen gisara, familia ugaria edo gurasobakarrekoa izateagatik eta familiaren diru-sarrerak direla medio jaso beharreko murriztapenak metatzen ahalko dira, gehienez ere murriztapenaren % 100era bitarte metatu ere.

Ikastaroetara joateko orduan hutsegiteak behin eta berriz egiten dituztenen kasuan, aplikatutako murriztapenek indarra galduko dute, eta dagozkien zenbatekoak galdutako zaizkie hutsegileei.

TARIFA-ERANSKINA

I. EPIGRAFEA.- TARIFAK:	
- Ikastaro bakoitzeko matrikula (administrazio- eta kudeaketa-gastuak barne: 40 euro)	148,60 euro
- Lantegi bakoitzeko matrikula (administrazio- eta kudeaketa-gastuak barne: 13 euro)	49,50 euro

II. EPIGRAFEA.- MURRIZTAPENAK:	
II.1.- Familia moten arabera:	
- Kategoria orokorreko familia ugaria edo kategoria orokorreko guraso bakarrekko familia.	% 50
- Kategoria bereziko familia ugaria edo kategoria bereziko guraso bakarrekko familia.	% 100
II.2.- Familia-unitatearen diru-sarrerak direla medio. Honako murriztapen hauek aplikatuko dira:	
Familia-unitatearen diru-sarrerak	Murriztapen-ehunekoa
Errenta garbia	
Errenta Bermatuaren % 100 edo gutxiago	% 90
Errenta Bermatuaren % 200 edo gutxiago	% 50
Errenta Bermatuaren % 220 edo gutxiago	% 20
Errenta Bermatuaren % 240 edo gutxiago	% 10
Murriztapen honen onuradun izaten ahalko dira diru-sarrerarik ez duten pertsonak edo familiak, betiere haien diru-eskasiako egoera berezia Udaleko gizarte-zerbitzuek berretsi behar dutelarik, egiaztatzeko beste modurik ez badute.	
II.3.- Desgaitasuna dela medio:	
- Legez aitortuta % 33ko desgaitasuna edo handiagoa duten ikasleak	% 50
II.4.- Terrorismo-ekintzen biktima izateagatik:	
- Terrorismoaren biktima-izaera epaiaren edo administrazio-ebazpenaren bitartez aitortua duten pertsonak, beren gurasoak, seme-alabak eta ezkontideak edo bikotekide egonkorak, eta, betiere, ikasleak eskatzen zaion gutxieneko ordu-kopurua betetzen badu	% 100
- Bestela, murriztapena honako hau izanen da	% 50
II.5.- Genero-indarkeriaren biktima izateagatik:	
d) Etxeko eremuan gauzatutako genero-indarkeria fisikoaren edo psikikoaren delituaren biktima, beren gurasoak, seme-alabak eta ezkontideak edo bikotekide egonkorak –betiere epaiak ez baditu jo delituaren erantzule kriminalak–, ikasleak eskatzen zaion gutxieneko ordu kopurua betetzen badu.	% 100
- Bestela, murriztapena honako hau izanen da	% 50
II.6.- Familia-harrera dela medio:	
- Harrera-familiak, harrera-egoeratik datozen edo harrera-egoeran dauden 25 urtetik beherakoak (harrera hori familia batean zein egoitza batean izan) eta bereak ez diren familiek hartuak izan diren pertsonak, ebazpen judizial zein erabaki baten edo Familiaren eta Adingabeen Zuzendariordearen edo pertsona hori babesteko ardura duen entitate publikoaren oniritziaren bitartez hartuak izan badira	% 100